

四川大學出版社



李勇先 王會豪 周 斌等 點校

乙編

宋元珍稀地方志叢刊

二

宋元珍稀地方志叢刊

二

李勇先 王會豪 周 斌等
點校

乙編

江苏工业学院图书馆
藏书章

四川大學出版社



前言

《雲間志》，又稱《紹熙雲間志》，宋楊潛撰。潛里貫未詳，其結銜稱奉議郎、特差知秀州華亭縣主管勸農公事、兼兵馬都監、兼監鹽場、主管堰事，可知該志乃紹熙年間楊潛知華亭縣時所作。預纂修者有朱端常、林至、胡林卿等，皆本縣人。

雲間即江南之華亭縣。華亭立縣始於唐天寶年間。宋改隸秀州，南宋王象之《輿地紀勝》載有華亭縣。至元代陞縣爲府，始載其事於《至元嘉禾志》。至清代，宋時之華亭一縣，兼有松江府一廳七縣之地。

《雲間志》分上、中、下三卷，續一卷。上卷分封域、道里、城社、鎮戍、坊巷、鄉里、學校、版籍、姓氏、物產、廨舍、場務、倉庫、稅賦、橋梁、亭館、人物、古蹟，中卷分仙梵、寺觀、祠廟、山、水、堰閘、冢墓、知縣題名、進士題名，

下卷分賦、詩、墓誌、記、序、說、銘、箴、祭文等門類，前後有序跋。

至於該志編纂經過，楊潛自序稱華亭爲今壯縣，生齒繁夥，財賦浩穰。南距海，北瀕江，四境延袤，視偏壘遐障所不逮。質之《寰宇記》、《輿地廣記》、《元和郡縣志》，僅得疆理大略。至如先賢勝概、戶口租稅、里巷物產之屬，則闕不載焉。前此邑人蓋嘗編類，失之疏略。續雖附見於《嘉禾志》，然闕遺尚多。有感於此，知華亭縣楊潛與邑之博雅君子相與講貫，疇諸井里，考諸傳記，質諸故老，有據則書，有疑則闕，有訛則辯，凡百里之風土，粲然靡所不載。至若前輩詩文，散落於境內者非一，姑摭南渡以前者附於卷末。書成，而鋟諸墨，公帑匱而莫能舉，又得邑之賢士大夫鳩工助成是書也。此《雲間志》編纂經過之大概。據自序，是志於南宋光宗紹熙四年六月編次，十月書成。但從書中所載內容可知，是書在編成之後，仍續有增補。錢大昕《潛經室外集》云：「書成於紹熙四年，而《知縣題名》載至淳祐、寶祐而止，則張穎以下三十人乃後人所續增。又《進士題名》載至淳祐（一作寶祐）

元年姚勉榜錢拱之而止，則慶元五年趙汝詒以下二十四人亦後人所續入。又自序稱詩文撫南渡以前者附於卷末，而末有數葉載樓鑰、魏了翁諸記，亦疑爲後人所增補。

歷代學者對是志評價甚高，認爲是志按據舊圖經，搜羅古碑碣，詳載故實題詠，內容繁簡得中，體裁最爲縝密，不讓宋人《會稽》、《新安》諸志，與周淙《臨安志》相上下。元徐碩《至元嘉禾志》每條下所繫考證以典核稱，而華亭一縣之考證乃全取是書中語，是知楊潛此志甚爲時人所重。明人顧清及陳繼儒似嘗見此二書，而改易其文，多所舛誤。清康熙年間，知府郭廷弼作郡志亦嘗本之。

是志最早見《宋史》卷二〇四《藝文志》著錄。清修《四庫全書》時，搜羅宋元方志，而楊潛《雲間志》因後出，不得預其書。阮元嘗進呈，是志藏書家罕有著錄。錢大昕嘗從王鶴谿借鈔得之，並寫一本，以遺王蘭泉，後藏諸袁廷壽家。袁氏好收書，因鈔得之。清嘉慶十九年，郡中沈恕得吳門袁廷壽手鈔本而重梓之。華亭沈恕，好古之士，家有古倪園，購求古書藏之，重付剞劂，其表章之功甚偉。是志

前有宋如林、孫星衍重刊序，後有錢大昕、顧廣圻、王芑孫三跋，即今所見古倪園沈氏刻本。道光十一年，又嘗重印。清光緒二十年，觀自得齋石埭徐氏又刻之，即徐氏觀自得齋本。此外，該書還有明鈔本，卷末有清黃丕烈跋二則，藏北京大學圖書館。又有舊鈔本，藏中國國家圖書館。而清阮元輯本，收入《宛委別藏》中。今以清嘉慶年間華亭沈氏古倪園刻本爲底本，校以徐氏觀自得齋本、宛委別藏本、明鈔本，以及其他相關文獻，加以校點整理。

李勇先

二〇〇九年三月書於川大竹林村

序

雲間志序一

華亭爲今壯縣，生齒繁夥，財賦浩穰。南距海，北瀕江，四境延袤，視偏壘遐障所不逮。質之《寰宇記》、《輿地廣記》、《元和郡國圖志》，僅得疆理大略。至如先賢勝概，戶口租稅，里巷物產之屬，則闕焉。前此邑人蓋嘗編類，失之疏略。續雖附見於《嘉禾志》，然闕遺尚多，元空觀覽。余謬領是邑，雖日困於簿書期會，而此心實拳拳。今瓜代有期，不加討論，以詔來者，則缺缺不滿，若將終身焉。於是元空邑之博雅君子相與講貫，疇諸井里，考諸傳記，質諸故老，有據則書，有疑則闕，有訛則辯，凡百里之風土，粲然靡所不載。至若前輩詩文，散落於境內者非一，姑撫南渡以前者附於卷末。書成而鋟墨，公帑匱而莫能舉，又得邑之賢士大夫鳩工助成是書也。雖一邑之事，未足以廣見聞，異時對友朋則可以資談麈，事君父則可以

備顧問，孰謂其無補歟？

紹熙癸丑仲冬旦日，奉議郎、特差知秀州華亭縣主管勸農公事、兼兵馬都監、兼監鹽場主管堰事、借緋楊潛謹序。

雲間志序二

嘉慶壬申，余擢守雲間，適有修志之役。因訪求松乘遺書，竊見元明以來，有僅存其目而無其書者。如大德《松江郡志》、至正《續松江志》、洪武《吳郡志》及永樂新志是也。成化《雲間通志》前志屢爲稱引，雖有傳書，而存者已渺。惟紹熙《雲間志》、徐碩《嘉禾志》二書自宋迄今，閱數百年〔一〕，幸少闕佚，而此邦文獻亦藉以資攷證。今《嘉禾志》已刊四庫書目，世間祇有影鈔善本。《雲間志》雖晚出，自竹汀少瞻購鈔，後藏諸袁君廷壽家，得配雲司馬重付剞劂，表章之功甚偉。夫書之顯晦存乎其時，非得好學深思之士愛而傳焉，則名山之業就湮者多矣。雲間有志，防自楊潛，其體裁最爲縝密，顧、陳諸志，往往取材於是，宜竹汀諸公歎賞

不置。沈君十峰成其兄妃雲未竟之業，而屬序於余。余嘉其汲古功深，能繼其事，誠如惕夫王君所云「議新志不若刻舊志」。余輯郡志適成，而益歎古人之不可及也。是爲序。

戊寅六月下浣，宋如林書於郡署之海石堂。

重刊雲間志序一

國家集四庫書，載諸宋元方志，而宋楊潛《雲間志》以後出，不得預其書。按據舊圖經，搜羅古碑碣，詳載故實、題詠，書僅三卷，繁簡得中，不讓宋人《會稽》、《新安志》也。余自嘉慶癸酉有松江府修志之役，病舊志之不能典核，因求松江事迹，惟華亭一縣見於王象之《輿地紀勝》。至元昇縣爲府，始載其事於《嘉禾志》，並楊潛之書，爲一郡掌故。康熙間，知府郭廷弼作郡志，本之明人顧清及陳繼儒，時亦似見此二書者，而改易其文，又多舛誤。如沿革蘇州增「大曆中改爲雄州，建中元年復名蘇州」等語，並不知雄州之爲郡望，如縣之有赤、緊，非州名也。其

諸山則刪節《雲間志》高若干丈，周回若干里，不知古人測量之法。古迹則誤以《雲間志》靜安寺記有「赤烏中建，號滄瀆重元寺」之文，遂譌爲有赤烏碑。知縣題名《輿地紀勝》有唐蘇籀引《晏公類要》云「攝華亭令，在官簡惠，莅事公正」，亦見《雲間志》。郡志僅載其名，刪其在官莅事之迹。又《雲間志》張聿無以進士任之文。包某德宗時蓋缺其名，郡志改「包某」爲「包何」，刪「德宗時」三字。《雲間志》宋知華亭縣商餘慶、劉唯一等名下俱有「咸平五年」、「景德元年」等字，郡志反刪落在官年分。《雲間志》進士題名唐有三禮科顧謙，郡志脫之。其布衣被召賜第及特奏名者皆遺落不載。其所引古書，不載出典，以意增改其文，不及更僕數也。則知《雲間志》之不可不刊以行世也明甚。余病今世修志無著作好手，不如刻古志於前，以後來事迹續之。或山川古迹舊有遺漏舛誤者，不妨別爲考證一卷。華亭沈司馬恕者，好古士也，家有古倪園，構求古書藏之，出示此志，後有錢少詹大昕題記。因余言，即付之梓。他時恐郡志之成卒不及古人矣，書中譌缺得顧茂才廣圻是正之，又校以《至元嘉禾志》，庶得十八九。考《輿地紀勝》尚有《寶雲寺碑》在華亭縣南卅五里，又有《大唐蘇州華亭縣顧亭林市新創清雲禪院記》，大中十四年歲在

庚辰吳興沈城述並書。又有《亭林法雲寺感夢伽藍神記》，慶曆六年記。碑文皆不見《雲間志》，恐今石亦並亡矣。顧茂才又檢古刻叢鈔有華亭唐故陸氏廬江郡何夫人、唐故陸氏劉夫人二墓誌銘，及戴府君墓誌，俱可補爲雲間故迹者。聊因序錄此志並及之。

時歲甲戌陽湖孫星衍撰於冶城山館。

重刊雲間志序二

宋時華亭一縣兼有今松江一府一廳七縣之地，而猶未止也，何以言之？曰：《雲間志》所管十三鄉雖與今同，然今十三鄉所管也止四十八保，而《雲間志》乃有五十二保。閒嘗攷明正德府志，自西南境楓涇鄉保以次左旋，迄西北境海隅鄉五十保而止，如櫛之比，區畫井然，以證《雲間志》各鄉所管保數合者十有一鄉，其不合者惟仙山鄉三保、新江鄉四保，正德府志各殺其一。今按仙山地居服裏，新江雖鄰嘉定，而與修竹、海隅各保遞廁無間。是《雲間志》所溢之數不溢於五十之外，

而溢於五十之內，必無是理，殆舊本傳寫之誤未可知。然較之今所管四十八保尚遺其二，則據國朝康熙府志云：北亭鄉三十二保，海隅鄉四十八保，皆分隸嘉定。今北亭之三十一、三十三保暨海隅之四十九保並與嘉定錯壤，華亭舊地猶可按圖而索。予故曰兼有今松江一府一廳七縣之地，而猶未止也。特康熙府志不詳分隸於何時，而嘉定縣志並所分隸者而不知，意者其在萬曆改併青浦各鄉之際，故未一見崇禎府志不知詳焉否乎。若嘉慶府志，則並分隸之說而芟之矣。古人志地之書首重疆理。班孟堅爲《地理志》，重述《禹貢》古文，豈不憚煩哉！不徵於古，不信於今也。《雲間志》詳敘封域鄉里，猶有古之遺意。奈何後之人於因革之大端漫不加察耶？雲間有志，據楊潛自序，固不自潛始。前於潛者眇不可知，後於潛者湮滅抑多矣，而潛書乃僅而得存，不誠吾邦之幸事哉！沈氏刊版燬於寇，書存亦尠。曩預修志之役，展轉假得表弟謝君斐章爲予錄副，珍諸篋笥，忽忽十餘年。徐觀察子靜見而愛之，因慫慂重刊。席君孟則、朱君懋之相與校理。始癸巳仲冬，迄甲午暮春，乃竣厥事。邑人閔萃祥書於上海寓次。

雲間志纂修人員

《雲間志》三卷，以紹熙四年六月編次，十月書成。預纂修者書氏名於左：

從事郎、新差監行在太平惠民南局朱端常。

迪功郎、新信州州學教授林至。

迪功郎、新饒州州學教授胡林卿。

奉議郎、特差知秀州華亭縣、主管勸農公事、兼兵馬都監、借緋楊潛。

【校勘記】

〔一〕閱：觀自得齋叢書本無。

〔二〕按此序原本無，據觀自得齋叢書本補。

目錄

前言.....一

序.....一

雲間志序一.....一

雲間志序二.....二

重刊雲間志序一.....三

重刊雲間志序二.....五

雲間志纂修人員.....七

雲間志卷上.....一

封域.....一

道里	三
城社	四
鎮戍	五
坊巷	六
鄉里	八
學校	一〇
版籍	一〇
姓氏	一一
物產	一二
廨舍	一三
場務	一四
倉庫	一七
稅賦	一八
橋梁	一九

雲間志卷中

亭館	二二
人物	三〇
古蹟	三五
仙梵	五三
寺觀	五六
祠廟	七九
山	八六
水	八九
堰閘	一〇〇
冢墓	一〇四
知縣題名	一〇六
進士題名 特奏名附	一一五